



The Beer That
Made Milwaukee Famous

GEBRUIK
dagelijks
DOMO POWDER MILK
agente
VELD STORES

Dagblad voor Aruba



FRESH UP
WITH
7 - UP
agente
VELD STORES

Trum
Roy de Copas

DE KONING
ONDER DE RUMS

DE JAARGANG

DINSdag 2 APRIL 1957

No. 2795

Dodo Croes y su hubileo di plata den servicio di gobierno

ORANJESTAD: — Ayera tur di nan tabatin un homenaje pa un trahador di flet di eilandgebied, pa motibo cu el a cumpli ayera 25 anja den servicio di gobierno, como boswachter, señor Johannes Theodorus Croes, mihor conocido como Dodo, ta esun cu tur y anjanan aki cu a cumpli cu su trabou debidamente den e dominionan di Oranjestad y e contornan di Santa Cruz.

Esaki tabata un motivo anto pa e servicio di Domeinbeheer dirigi algun palabra di afecto na señor Dodo y otrece un homenaje. Señor Dodo a duna bon bisti ayera tardi pa Bestuurskantor, caminda no solamente e personal completo di su kantoer y su hefe, señor J. Pauw, tabata warda: sino tambe diputado I. de Cuba. Señor Pauw a funciona como interprete pa e gobierno y a bisa: cu aunque e trabou di boswachter no ta asina visto, e di gran importancia pa e isla. Segun señor Pauw, no tabatin asina hopi mester di tereno 25 anja pasa, maneha tin awor, actualmente tin mas cu 1000, cu riba un ora stipula nan tin un haci cu e boswachter. Di manera cu e por comprende ta ki trabou ta pa e

persona di 69 anja aki. E palabranan di señor Pauw, tabata entre otro: "Dodo, bo a traha bon cu nos tur aki y especialmente cu Maria (señora Gonzalez-de Lange), cu ta atende cu Huur. Asina mi ta spera cu bo por continua

cu bo trabou hopi anja mas den excelente salud". Cu e palabranan aki señor Pauw a termina su discurso, dunando señor Dodo Croes un holoshi di regalo na nomber di e oficina di Domeinbeheer y na nomber di Bestuurskantor un envelop conoci cu contenido. Un "Masha, masha danki na tur" tabaja e palabranan di gratitud di e flet servid di gobierno. Manera sr. Dodo Croes a bisa anto, el a pasa 25 anja di su 69 anja den servicio di gobierno. Tambe e tin dos colega cu ta trahando hopi anja cuba den e mesun servicio. Señor Dodo ta casa y tin cinco jiu.

Bestuurskantor a tuma despedida di hefe di Domeinbeheer J. Pauw

ORANJESTAD: — Den e curso di e siman aki esun cu a hanja mas interes na Oranjestad ta señor Pauw cu, fin di e siman aki lo bai su patria back. Diasabra anochi tabatin despedida di A.N.V. Ayera merdia personal di Domeinbeheer y mas laat na cuater or Bestuurskantor. Hopi ambanenaren a reuni bao di direccion di diputado I. de Cuba y secretario di eiland L.C.M. Kerstens pa tuma despedida di e hefe popular aki.

Bon binja no tin mester gaba

Den señor Kerstens su speech na señor Pauw el a bisa cu un ambanenaren ta worde juzga na su trabou y pa señor Pauw ta e proverbio bon binja no tin mester di ser gaba.

Na anja 1939 Domeinbeheer tabata consisti di algun huurboekjes cu a worde biggwerkt y na anja 1957 tin un oficina masha moderno.

Tur esaki ta di gradici na señor Pauw, comunidad mester ta agradeci na señor Pauw pasobra el a hacie verdienstelijk riba varios tereno.

Ela usa su tempo bon el a ofrece señor Pauw un bunita holoshi como regalo di e ambanenaren.

Den señor Pauw su speech el a bisa cu e ta masha agradeci na Aruba pa tur loke nan a duna y nan a sinje. Principalmente e trabou na oficina a duna masha alegria y ta masha contento cu semper e tabata masha bon cu tur e hendenan di tur e departamentonan.

Señor van Hoorn a papia na nomber di ambanenaren bond cu a pensa di duna e ex-presidente cu ta bai despedi un regalo.

Despues di esaki e parti formal a pasa y e invitadonan por a goza di dushi koffie, bolo y varios dushi mas.

CAMA PA BABY
TEXAS FURNITURE STORE
Finestraat 5 - Tel. 1082 - 1083



E firma Rose Marie Reid di California ta un di e fabricantenan mas destaca di badpak y ta pesel tur anja e sexo femenino cu ta usa badpaknan over di henter mundo tur anja ta paga masha tino pa nan sabi e tiponan nobo di Reid den uso di badpak. Aki riba nos lectornan por mira un di e modelonan: "Pinwheel" nan ta yame serka Reid, e ta henter di lastex, su color no ta kila y por hanje den diferente color. Majan nos lo publica un novedad mas di Reid.



Sr. Pauw — e Hoofd di Domeinbeheer cu ta bayendo — en medio di su coleganan y e regalonan. Di robes pa dreehi: E. Oehlers, srta. N. Croes, E. Vos, E. Blok-Ponson, F. Lopez, M. Gonzales—De Lange, J. Pauw, Dodo Croes (e hubilario) y W. v.d. Weide.

— Foto Bonke.

REUNION DI EILANDSRAAD (Continuacion)

Deputado Henriquez a contesta señor Werleman cu pa 20 millioen florin Aruba lo hanja diariamente 10.000 kubieke meter di awa y tambe 15.000 kwh. corriente.

Corsow cu 12 millioen ta hanja solamente 4.000 kubieke meter y 3.000 kwh.

Segun e esaki ta un suficiente explicacion cual lo ta mas mehor, e no a sigui mas tocante e proyecto, anja pasa Januari tambe nan a papia tocante e asunto aki y tambe el a duna contesta riba tur e preguntanan politico.

En realidad e peticion pa e prestamento ta un formalidad pasobra ja anja pasa Raad a aproba e proyecto caba.

Señor Werleman tabata mira e economizacion di otro forma, en cuanto cu e B.C. a trata di hacie mas conveniente posibel.

E Arubianonan ta hana preferencia ora di duna trabou asina tanto cu actualmente casi tur esnan cu a sinja tin trabou.

E advies nan di hefe di trabanon na B.C. ta secreto y segun e orador no ta juist pa duna Raad e rapportnan.

E rapport foi cual Eman a lesa segun e orador ta un rapport bieuw, despues a bini hopi otro y di otro clase.

E situacion awor ta otro y el a asegurado cu e situacion di awor por worde considera manera esun completamente juist.

Deputado E. O. Petrona a bisa cu na anja 1949 nan a pidi un firma di duna un lista di precio pa trabou na e waterplant, awor cuater a duna nan oferta. E no ta hanja nada abnormal den curso di e asunto.

Ainda señor Werleman no tabata conveni tocante economia di trabou na e proyecto. Wel el a admiti cu Arubianonan mester hanja trabou, pero tambe el a anjari, solamente esnan cu no tin mester y ta di partido.

(Mira rond den e Raad aki, y no papia mes di Staten).

Señor Eman ta puntra pakiko tin no di duna rapport (pa Raad), cu Raad no por mira nan. Deputado Henriquez a responde cu e proyecto di 20 millioen florin ta mas conveniente pa pueblo cu proposicion di e college bieuw pa cambia e plani, a lo largo esaki lo ta inconveniente.

Despues nan a papia y a vota riba e pregunta kende mester fha e koers di uitgifte di e obligatie; B.C. o Raad B.C. lo fha e koers, asina Raad a dicidi cu e verhouding conoci 12 contra 5.

E proposicion di Werleman di trece e rapport dilanti a worde rechaza cu 12-5.

E proposicion di B.C. pa fl. 1.000.— pa cumpra y instala un aparato pa transporte di aire pa e citograafmachine nan di Bevolkingsregister pa preveni cu e machinenan no frustia, a worde accepta.

Discussion tocante caminda pa dera hende.

E di 15 punto riba agenda ta e peticion di B.C. pa hanja machting pa cumpra un tereno na Cura Cabai, cu awor ta propietario di señor Bonifacio Croes, y cu nan kier traha na un cementerio publico pa San Nicolas.

Señor Eman a bisa cu e tereno ta 5.000 m² y despues lo e worde extende na 10.000 m². Tambe el a bisa cu den tempo di llobida e lugar aki ta jena cu awa y el a puntra pakiko e lugar aki mester bira asina grandi, tur e catoliconan y protestantnan tin nan mes cementerio.

No tin mester di un cementerio asina grandi pa publico, un "chike".

Tambe basta anja caba nan a pone placa riba begroting pa un tal cementerio asina, y cada anja e post aki ta bai pa e otro begroting sin cu nan ta haci nada.

Tambe el a bisa cu antes e tereno aki tabata pertenece na Erven Bislick y algun tempo pasa a worde bendi publico y señor Bonifacio Croes firmant di firma Petrona & Croes a cumpra pa 8 cen pa m². Señor Eman a bisa cu Croes mester tabata sa e plannan di B.C. y awor cu e ta bende e tereno pa 50ct. pa meter e ta haci un bon ganashi.

Señor Eman a propone di haci e cementerio publico di San Nicolas mas grandi y di no cumpra e tereno na Cura Cabai.

Señor J. Lake (PPA) tabata voor pa cumpra e tereno, el a conta cu e estado di e cementerio ta deplorable: no tin bastante lugar.

Ela conclui su peidooi cu nos lo no

conta riba ajudo di e senjman ei y e mortonan tampoco.

Señor Werleman tambe ta hanja e asunto un poco notable, e ta supone cu nan tabata sa cu e baimento falliet tabata amenazando y cu nan a warda tur esaki.

Segun e orador aunque e principio di B.C. ta di no cumpra nada na finidishi, pasobra casi semper esei no ta na interes general, den e caso aki si no solamente nan lo a apoya e herederonan pero tambe interes general cumprando na finidishi.

Señor Werleman ta supone cu tin otro interes cu interes general, y tambe e ta hanja stranjo compra di un tereno asina grandi mientras antes nan a bisa cu un tereno di 50 x 100 lo ta basta por lo pronto.

Señor D. Matthews (PPA) ta hanja e tereno menciona un bon lugar segun e tur esnan cu no ta catolico ta worde dera den cementerio publico.

Señor Wijngaarde a opone contra e insinuacionnan di oposicion y a puntra pakiko e oposicion mes no a cumpra e tereno.

E directiva di B.C. e ta hanja bon señor Faneyte (PPA) tabata particularmente indigna tocante e palabra "chike" esta e lugar na unda nan ta dera nan hendenan.

Señor P. Croes a bisa cu proposicion pa cumpra e tereno ei ta existi foi anja 1954 foi den tempo di e B.C. bieuw.

Gaston pa e cementerio no ta mas cu fl. 2.500.— y no fl. 30.000.— manera oposicion ta afirma.

Deputado Petrona a bisa cu e proposicion a worde tuma over foi di B.C. bieuw, y cu awor oposicion ta asina asombra e ta hanja incomprendible, riba e remarca cu e tereno lo jena cu awa el a bisa cu expertonan a mirele y nan a hanjele bon.

Riba e insinuacionnan el a contesta cu señor Croes a cumpra e tereno cu su mes placa y nunca e no a ofrece gobierno e pa bende.

E proposicion di Eman pa haci e cementerio actual mas grandi y no cumpra e tereno na Cura Cabai a worde rechaza cu 12-5, y señor Lake y Matthews a duna un motivo cu ta imposibel, pa haci e lugar bieuw mas grandi, pasobra no tin lugar solamente si nan tira poco cas abao.

f 4.000 pa School di Comercio

Despues B.C. a bini cu e proposicion di duna e school di Comercio cu mester muda di unda e ta, un judanza financiero di fl. 4.000.— pa nan instala e barak cu Laco a regala nan.

Señor Andijn a subraja e necesidad na duna e ajudo, aki, pero señor Tromp di UNA a pidi pa manda e proposicion aki, prone na e departamentonan pasobra e kier papia tocante e asunto aki.

Señor Petrona a bisa cu polis a avisa nan cu caminda e school ta e ambiente no ta bon, y cu nan tin di muda tin pronto posibel.

Despues Tromp a bisa loke e tabatin di bisa: si e institucion di enseñanza aki no ta manera esei nan di gobierno ta imposibel pa duna un subsidio y tambe a ta teme cu lo trece precedente pa institucion di tal clase y cu pronto cabez di school lo bolbe pidi un subsidio.

E presidente Mr. Kwartsz a nota en cuanto esaki cu den e caso aki ta e parti social nan ta juda mas cu e estudio.

Señor Browne lo no bini pa un segundo vez cu tal peticion, papiando tocante precedente Mr. Kwartsz a gaba e institucion ei y el a bisa cu si en lo venidero, institucion di tal clase lo tin mes suceso cu Arubaanse Handelschool y cu nan pidi un ajudo financiero; esaki tambe nan lo pensa serio over di dje.

Señor Eman cu tampoco no tabata asina tens cu donamento di e ajudo ei, tambe tabata kier pa prome nan conferencia over di dje den e departamentonan.

Tocante e pregunta cu e kuestion tocante handelschool eigenlijk asina laat a worde pone riba agenda mester a vota pe, y cu 12 miembro di Eilandsraad a aproba e punto aki, e partido di AVP a sali foi di e sala asina cu ora nan mester a vota riba e proposicion pa ajudo financiero e resultado tabata 14-0.

Na diez un or y mei reunion a termina.

Dennis, de Schrik van de Buurt

MAAR.....



Doe niet zo nukkig. Deze hond op de televisie is ook aardig. No haci bo asina cobarde. E cachor, aqui den television tambe ta nechí.

GEEN GEVAAR, N.E.N. IS DAAR...

PEPSI-COLA

Trade Mark Registered



The refreshment
of friendship

Domeinbeheer a tu-
ma despedida di
Sr. J. Pauw

ORANJESTAD. — Promie cu e despedida oficial di e Hefe di Domeinbeheer, senyor J. Pauw, a tuma lugar ayer tardi cuater or, e personal di su oficina a reuni den un reunion chikito, manera e senyor E. Oehlers, a bisa den su speech, pa tuma despedida di nan hefe, kende nan a sinja conoce como un bon trahador, bon hefe y un persona agradable.

Tambe senyor Oehlers a observa, cu semper tabatin un ambiente masha agradable den Domeinbeheer y cu semper nan a haci teamwork, loke nan por a papia cu senyor Pauw, treciendo su propio opinion adilanti. Senyor Oehlers a bisa tambe, cu e partida di senyor Pauw lo laga un lugar bashi den e ambienarenkorps. Pa senyor Pauw no lubida Domeinbeheer (loke e no haci asina liger segun nos), senyor Oehlers a obsekiele cu un bunita kamferkist na nomber di henter su oficina y pa eua regulo e enpleadonan a spaa hopi luna largo. Pa tur e muestra di carino aki senyor Pauw a gndici nan conmovi.

For di unda nan ta saca e
ENERGIA?



For di lechi fresco di bacanan propio Arubiano naturalmente. Nos ta entrega tur dia lechi fresco na cas, tur caminda riba nos isla. Nos ta garantiza lechi di calidad prima control regularmente door di e laboratorio di gobierno.



I e ta asina barata, ochenta cent pa un liter, cincuenta cent pa mei lit. Yoghurt ft. 0.65. Entrega na cas gratis. Yama telefon na RAINBO DAIRY na San Nicolas (tel. 5261) of G. de Veer & Sons na Oranjestad (tel. 1326) y nanjan mes e lechi sabroso y nutritivo ta cla na bo cas.

PAGINA TRES

„Moxi Morium” bonte avond den Club
Surnam tabata un gran suceso

SAN NICOLAS. — E „Moxi Morium” bonte avond cu a worde anuncia diasabra anochi den Club Surnam bao di direccion di senyor Johan Blatz tabata un gran suceso. Hopi artista a duna nan cooperacion y e gran publico cu tabata presente tabata aplaudi masha. E programa tabata contene musica, canto, declamacion, comedia y proverbio Surnam. Despues di un speech corti di senyor N. Naloo, na unda el a introduci senyor E. E. Lo como ceremoniemeester e show a cuminsa.

E anochi a worde habri pa Spes Kwartet consistiendo di e siguiente senjornan D. y A. Salsbach, S. Marques y C. Brulo despues sigui pa un canto di srta. Grace Bonno.

E trio tan conoci Maasdamme, (violon, piano y blokfluit) tabata masha excelente.

Wie Egie Sannie's Speer a canta y a declama masha bon y e damanan Floor y kwartet di e sociedad aki a bisa algun chiste Surnam cu a cai den smaak.

LUNA PASA TABATIN
16 IDEA DEN BUS

ORANJESTAD. — Ayera mainta nan a habri e ideenbus di cilandgebied y nan a hanja 16 remitiodes: E comision, cu ta encarga cu duna e premio na lo pone man na trahabon di e dianan aki y nan ta spera, cu nan lo por duna e resultado den curso di e luna aki.

TA BENDE
Set di comedor
y varios articulo mas di cas.

Informacion:
LAGOENWEG 5

Senyor Blatz, cu sa e idioma di Surnam, a pone e publico hari masha tanto, y pa hopi di nan tabata un revelacion cu e palabranan kotte tabatin asina tanto significacion.

Senyor De Lannoy tabata un bon pianista cu a ricibi masha hopi aplauso. Harold Malmberg „The Golden Voice” a conquista curazon di hopi cu su cancionnan na spanjo. Ela worde acompaña pa dos di su amigonan riba guitarra.

Senyor J. Brunings, Nick Naloo y Joan Nunes n hanja masha aplauso cu nan cancionnan. Frederick Boekstaaf y Wally Haverloo a duna algo comico.

Senyor Mankers cu a termina e anochi ei cu un bunita poesia, a sorprende e publico cu su declamacion.

Senyor Shaw Akiang tabata e feliz ganador di un bunita holoshi.

Un bunita anochi cu a duna tur e presentenan hopi gozo, club, comite y esnan cu a duna nan cooperacion mester keda satisfecho di e anochi aki.

Oficina di
ARUBAANSE COURANT
a muda di Awakotistraat No. 2

pa
NASSAUSTRAT No. 85
(banda di Madame Alice Beauty Parlor y Tienda Oduber,
bao di Contal Agencies)

E numbernan di telefon a keda mescos:
1116 - directiva y avisos
2116 - redaccion y suscripciones.

Cumpleanjos feliz

Pa cortesia di

KAT

E MEHOR cas di Regalo



Yvonne Mackay, ta number di e simpatica hobencita aki, cu ta celebrando su cumpleanjos awe, den union di su familia, recibiendo hopi felicitaciones di parti di su mama y tata rumannan Richard, Eddy, Donald, Edna, Glenda, su amiguan di school y demas amiguan, tanta y omonan, su madrina Onila Bouwman, padrino Jose Tramp, tambe di Theo, Nadie y Rica.

Un bida largo y yen di felicidad pa e caballero Francisco Paulo Kelly, cu ta haci anja awe, ta e deseo di su tata y mama, rumannan Chita, Kai, Ovieta, Enrique, Ninia, Pedro, Seferina, Domi, Eddy, su swa Bito, subrinonan Evelinda, Milla, Chinda, amigo y amiguan, demas familia, Ana y Oncha Kelly, y di su enamorada.

CADA REGALO TA BONBINI
PERO DOBBEL BONBINI TA
Un REGALO compra serka
KAT

Nassaustraat 47 - Oranjestad

Nueve anja ta e edad cu Clara Werleman a cumpli awe, recibiendo sincera felicitacion di su mama Lika, rumannan Marco, Ricardo, Sira, Marcial, Adriaan, Asinto, Marie, Vileta, Jose, Mario, Emerald Deluve, familia Deluve, Curiel, Jansen, Croes, Werleman, especialmente di e Zusterman y tur e muchanan di Imelda Hof.

Pa aviso y tur correspondencia pa „Arubaanse Courant” dirigibole na:
Nassaustraat 85, Oranjestad.
Telefoon (Rip.) Directiva y Avisos
2116 - Redaccion y Suscripciones.

Numero sueldo di ARUBAANSE COURANT
por worde obtini na San Nicolas
na Union Store, Mainstreet.

AGENDA

Dinsdag 2 april
BIOSCOPE
DE VEER THEATER 20.30:
20.000 Leagues under the Sea
HUALTO 20.00: Phyllis Voladores
PRINCIPAL 20.00: It's a Dog Life
AURORA 19.30: Sultan Descalzo
SAVANETA 19.30: Below the Deadline

BOTICA di WARDA
Oranjestad: Botica Aruba

PARTERA, ENFERMERA, ETC.
Zuster Braunhiller, tel. 1355,
Nassaustraat 42, Oranjestad.
Zuster M.E. van der Mark, tel. 1507,
Hondweg 4, Dakota.

RADIO KELKBOM
209 m. — 1495 kcl.
11.30 Musica cu Nestor Phayres
11.45 Miguel Acevez Mejia
12.00 Intermuziek
12.25 Nieuwsberichten
12.45 Musica Norteamericana
1.00 Musica cu Iler. Reyes
1.15-1.30 Chachacha
4.00 Prog. Cita a las Cuatro
4.30 Musica varia
5.00 Programma van Winkel
5.30 Musica cu Hobbes Capi
5.45 Musica cu Angel Vilaria
6.00 Liberland Lamorne
6.15 Cumpleanjos feliz
6.30 Dinermuziek
6.55 Voorlichtingsdienst
7.00 Noticia (Pop.)
7.15 Musica cu Tony Aguilar
7.30 Musica na Hulandes
7.45 Nieuwsberichten
8.00 Musica Norteamericana
8.15 Navele „Mia o de Nadie”
8.30 Musica cu Chachacha
8.45 Musica cu Xavier Cugat
8.55 News in a Nutshell
9.00 Plaplamante Les
9.30 Los dos Reales
9.45-10.00 Edmund Ros

VOZ di ARUBA
457 m. — 455 kcl.

06.00 Opening
06.05 Populair-klassieke melodien voor de vroete morgen
06.30 Antilliaanse klanken
06.45 Wij spelen Chachacha
07.00 Selectie van veel-gevaagde grammofoonplaten
07.30 „Internationale parade”, muziek uit vele landen
08.00 Sluiting (tot 12.00)
12.00 Heropening
12.05 Uit de eedelandse discotheek
12.15 Internationaal en Antilliaans nieuws in het eedeland
13.00 Populair Antilliaans-Amerikaanse muziek
13.05 Nieuwsbulletin in het Papiament
13.15 Een kwartiertje Antilliaanse platen
13.30 Mexico speelt en zingt
13.45 Hoorspel „Don contra el Mundo”
14.00 Sluiting (tot 16.00)
16.00 Heropening
16.05 Rev de Copas speelt uw verzoekplaten
17.00 „Grep uit de discotheek”, een gevarieerd programma
18.00 Mario S. Arends presenteert....
18.30 Latijns-Amerikaanse muziek
19.00 Regeeringsuitzending
19.00 Gelukwensen voor de Jarigeen en populair plaitjes
19.30 Caribisch nverlicht in het Nederland
19.45 Amerikaanse muziek
20.00 Nieuws in het Engels
20.15 Het kwartier van de Arubaanse Muziek
20.30 Hoorspel Colgate-Palmolive
21.00 Programma Mario S. Arends (edere 1e en 3e Dinsdag van de maand) in gevarieerde muziek (andere dagen)
21.30 Gevarieerd programma
22.00 Tot slot: een half uur klassieke muziek
22.30 Sluiting

Y... MESKER ta drecha mi
MEUBELMAN

OTRONAN TA HACI BO BIDA MAS COMODO

Aki nos por mira Sr. Ferdinand (un experto den su trabao) ta haciendo algun test riba meter-
nan. Pa e miltanan aki registra exactamente loke bo ta usa na corriente, nan mester pa-
sa prome bao di un control exacto riba e aparato especial cu nos ta mira riba e foto aki.
Tras di bo stopcontact den bo sala nos tin: aparatonan exacto, hendenan exacto, meter-
nan exacto.



Papiando di sala... Bo a ripara con agradable lo
ta, si den bo sala ademas di bo luz cologa na pla-
fond, bo pone un of dos lampi di mesa tambe?

CORRIENTE TA HACI ASINA HOPI

I TA COSTA ASINA POCO

esaki ta un publicacion di



Oduber & Kan inc.
Opticians tel. 2193

TA PRESENTA
Charlotte y su fatal destino
pa TUYUCHI:
No. 26

Tabata mas dificil pa por a hanja un padrino pa Eleonora chiquito. Vivian a reconoce cu e tabatin masha poco amigo cu por a bini na remarca pa por a ser encarga cu percuracion spiritual di e yiu. Alafin e beurt a cai riba Lord Cecil Marchmond, den quende su yach Vivian a haci e viaje na Mar Mediterraneo, pronto prome cu su matrimonio.

Marchmond, unico yiu i heredero di marques Englesby, tabata un hoben alegre, dos anja mas bieu cu Vivian, pero cu masha mas mehor manera i mehor caracter cu Vivian. Ora cu el a sinja conoce Vivian su muhe e tabata masha admira, pasobra e tabata conoce Vivian mucho bon i tabata teme cu Vivian tabata mucho bon pa un amigo liviano asina manera Vivian.

El a sintie honra pa e suplica di por a ser padrino di Eleonora chiquito i cu gran plazer el a queda loeger algun dia na Clunes.

Charlotte ta gusta papia cu Marchmond. E no tabata exteriormente bunita, pero e tabatin un cara bibo i anima cu un boshi di cabez corra riba su cabez, cual no tabata dun'e e exterior di un noble. Charlotte tabata sa cu ta e lord Cecil aqui por a guia Vivian riba bon camina. Lord Cecil tabata increíblemente rico... loque tabata pa Vivian di mas grandi atraccion dia cu el a sinja conoce na Oxford.

„I ta qui dia nos ta mira bo riba pia trobe, Viv?” Cecil a puntra su amigo cu un saludo.

„E dokter anciano di mi aqui ta bisa mi cu e specialista no quier larga mi lamta sino te na fin dje luna aqui. E no quier pa mi lamta ni cu kruk, figura bo”.

„El la supone cu poco poco e drumimento al lo a fada bo. Ya e tin seis seman caba ta drumi, no?”

Vivian a saca su man pa Charlotte i a tira un bista desoso riba dje.

„Mi muhe a haci cu mi por a soporta tur e semanan aqui contento, Vivian a bisa.

Lord Marchmond a hiza su wenkbrauwman. E tabata puntra den su mes quico mas Vivian tabata sinti cu excepcion dje pia. Pero un bista riba e

garganta blanco dje mucha muhe bisiti na blauw, cu kanchi blanco na garganta i manga, cu e perlanan asina precioso na su oreagan bunita i e mannan delega cu algun renchi di diamanta na nan, a pon'e comprende tur cos. No tabata nada stranjo cu t'awor quema Vivian tabata enamora riba su muhe.

Vivian a bisa:
„Riba e prome dia cu mi por camina riba kruk, lo nos tene aqui un fiesta grandi. Ta masha anja caba cu no tabatin un baile na Clunes”.

„Pero mi amor, toch abo no por balia...” Charlotte a protesta.

„Esai n' ta importa. Alomenos mi por mira. I abo ta abri e baile cu Cecil”.

„Oh, esai lo ta pret, n' t'asura, Cecil?” Charlotte a bisa.

Cecil a sagudi cabez.

„Anto esai ta conveni”. Vivian a bisa i a larga su cabez cai p'atras trobe den cushini.

Vivian no tabata masha tempo mas asina bondadosa manera e tabata aparenta. Su proceder amable no tabata sali mas foi su curazon directamente. E vision cu a aparece na dje den e misha chiquito ya a cuminsa paildece. Si e tabata brazza Charlotte, anto tabata cu e pasion sensual, cu cual el a bruha su cabez un anja pasa. Pero Vivian no tabata e sorto di hombernan cu tabata satisfecho cu un muhe sol. Su pia tabata irrit'e terriblemente i e weg cu e tabata hunga di un exposo amable i chempal i cuminsante cu toch e quier mantene esaki un poco mas.

E tabata prefera di maha cu un belleza brillante, cu pega su mes na un muhe riba quende su cara ya e por a leza amargura caba. I luego e tabata gusta masha tambe di e hanje asina tanto mima. No, tantem cu ainda e tabata pendiente di tur hende, e mester a queda comporte decente pasobra toch e no por a sali cu e pia stijf al. I qui bon e tabata sinti su curpa, su salud, awor cu e no tabata bebe mas!

I dje manera ei el a pensa riba un fiesta pa e por a hanja un poco mas distraccion.

„Un baile di disfraz”, el a bisa Charlotte despues. „Anto ora ai mi mes lo por tuma parti, n'e como limosero cu kruk, i uo lapi preto riba su wowo.”

Charlotte a hanja cu e no mester a haci hofon cu su salud, pero el a rechaza tur e muhe su contrarietadnan. Durante e semanan cu tabata sigui nan tabata traha e plannan pa e baile di disfraz. Ora cu no tabatin nada mas di consulta di regla, Charlotte tabata ripara cu cada bez trobe Vivian tabata cai den su irritacion di antes. I el a cuminsa ta raus e muhe trobe pa cosnan bagatel.

Primeramente e muhe a quere cu ta nervioso e homber tabata pasobra e pia no a cura dje libe manera dokter a pronostica. I e tabata spera cu Vivian su nerviosidad lo a drecha segun cu e pia tabata bai meherando, i cu e por a camina cu kruk.

A pasa tres luna despues dje accidente ora cu Vivian por a camina trobe pa di prome bez. Esaki tabata bai naturalmente masha poco poco i dificil. I den su nervio e tabata pletia violentamente cu Charlotte den presencia di otronan. Despues e tabata pidi Charlotte dispensa trobe i tabata munstra e muhe cu e mes lo por comprend'e cu despues di tres luna sin por a camina com lo e por tabata binta.

Pero e duda na e proceder di Vivian cu tabata peorando a yena e mucha muhe su curazon cu asina. I diferente bez e tabata reconee e mirada anciana di odio den wowoan di Vivian ora cu un cos no a socede na su deseo.

I awor pa di dos bez den su bida Charlotte mester a reconee cu un zorro por perde wel su lana, pero no su manja.

Peor ainda tabata e homber aqui su indignacion ora cu e mes a bin convene sin cu dokter tabatin mester di a bis'e, cu pa via dje accidente el a bin queda pa semper mune na un pia. I ora cu e dokter a mira cu e hoben mes tambe tabata ripara esaki, el a hanje obliga di bis'e e triste berdad. Vivian por a bira loco di furia.

E tabata duna falt ana e specialista, e dokter di familia mes, pero no na e mes. E no quier a convene cu ta pasobra e tabata burachi el a hanja e desgracia aqui, cu a poha queda mune cu semper di su bida.

„Manco... ami, Vivian Chase manco!... esaki ta terrible!” e tabata grita. Casi e quier a stop e baile di disfraz trobe, pero ya tur invitacionnan tabata manda caha i majoria parti dje invitadonan a acepta na tuma parti.

Cecil Marchmond a skirbi cu lo e binj algo prome cu e dianan di Pascu i el a puntra cu lo e por bini cu su rumen adoptivo.

„Dominie Unwin ta mas bieu cu mi, pasobra ya el a pasa 30 anja caba, pero e ta asina poco bez den nos compania, cu ta duclmi di mester pasa e dianan di Pascu sin dje. Ademas di esai e ta soltero ainda i esai lo tabata un gran plazer pa comblito dje dama-

nan”. Charlotte a queda ta mira na e carta cu e tabata sinti ta leza na radia di Vivian.

„Bo tabata sa cu Cecil tabatin un rumen adoptivo, mi amor?” Charlotte a puntre.

„Si, el a yega di conta mi esai”. Vivian a responde sin gracia. „Dominie Unwin ta hopi mas bieu cu e, pero casi nunca e no sa ta na cas. I ta pesai tampoco nunca mi no a hanja ocasion di a contra eun'e. Pero mi ta recorda cu e marques a conta mi ora cu mi tabata riba e yach, cu nan a tuma Dominie como yiu, ora cu nan a pensa cu lo nan no hanja yiu mas”.

„E ta dibeherido?”

„Esai no — e ta masha bunita i desarolla — e ta un dje venidero candidatoan pa ministerio di asuntunan exterior. Pero quizas abo ta hanje dibeherido — bo ta quena diferente bez cu mi amigonan nunca no a combersa riba un bon buki”. Vivian a bisa mientras e tabata rek i hap.

„Ultimo temponan mi no tabatin mucho ocasion pa mi leza un bon buki”. Charlotte a bisa hariendo. „Pero toch lo ta un plazer pa mi di por tin un sabio aqui den cas”.

Vivian no a drecha cu e echanza ai i a orden'e di larga Volpo bini cerca dje. E tabata cansa i a papia basta.

Prome cu Charlotte a primi klok el a pasa su brazanan roed di Vivian su garganta i a puntre suplicante den e cara bunita pero ainda delega:

„Bo n' ta stima mi mas anto?” Bo n' ta stima bo Charlotte mas?”

E cara bunita cu e bista desoso a trece den un mehor humor, pasobra el a cuminsa hari i a sunchi su esposa.

„Naturalmente mi ta stima bo... kashi di buki cu bo ta! Te ainda bo ta masha bunita. Ningun hende lo no bini cu ta bo ta mama dje baby diki ai”.

„Mi ta stima bo asina tanto. Ay, Vivian, paquico bo tambe no por queda munstra mi amor?”

Net e quier a responde cu a aparece un sombra meimei di nan dos. E sombra aqai tabata di e criar cu lombe. El a haci un profundo inclinacion.

„Mi a bin puntra bo, mylord, cu bo quier a sosega un poco prome cu comid. Lo mi yuda hiba bo na bo cama?”

„Bo ta un preciosidad di un mucha homber”, Vivian a responde. „Bo conoce mi desonaa di antemano”.

„Larga mi tambe yuda bo”.

„Volvo mei por haci esai”. Vivian a bisa; „hai alimentia bo yiu numi”.


(E ta sigui)

Laga bo juenan hunga
masque nan ta bisti bril.
Percura di cambia prome e
glas nan di bril pa „Safety-
glasses”.

ODUBER & KAN
Opticonen den Nassaustraat No 47

EL CISCO KID

Por José Salinas
y Rod Reed



Cu idea di asalta un of otro caminda, e dos bandidonan. Guero y e Gordito, ta continua nan caminda, corriendo riba nan cabai y lagando solamente stof atras. Henter e sabana ta keto, di manera cu nan tin henter nan caminda liber sin un hende pa taha nan. Di repente nan ta para, pasobra nan ta mira algo ta acercando. Nan ta para y ta mira un lenso dilanti di nan cara, esta pa ningun hende reconoce nan. „Ata nan ta bini“, Guero ta bisa y nan ta prepara pa e asalto. Di aleeuw un garoshie carga lastra pa varios cabai ta acercando. Padilanti sin-

ta, dos homber, cu ta conversando amicamente y gozando di e doeshie aire fresco entre e seroenan. Pero nan comodidad y paz a ser interrumpi repentinamente, pa un di e hombernan cara tapa, cu ta taha nan cu arma den nan man. „Para, para“, e Gordito ta grita y Guero mes ta bai mas padilanti, gritando tambe: „Laga boso armanan cai“. E dos cocheronan ta hiba un susto y mes ora nan ta bisa e cabainan: „Soo, Soo“. Ta kiko ta bai pasa awor. Ictornan?

Tom Richardson, detective di fama mundial E HUEZ CRIMINAL pa TUYUCHI

E malbado no tabata por, menos ainda e tabata quier a quere su oranan. Cu wowonan manera cos cu tabata bai saili for nan kashi di asombro el a queda ta mira Richardson.

„De la manera... cu b'a tende tur cos?“

„Naturalmente. B'a papia asina dero, di moda cu mi por a tende tur cos. Boso mester a tuma na consideracion cu sesu di un detective no tasina broso manera di cualquier otro hende. No ta e prome sla cu cualquier di bosonan dal un detective ta quibra e seso aqui unbez. Enfin, toch awor lo bo experientia cu detective tambe ta practica wowo pa wowo, diente pa diente.“

E malbado a haci un salto den e porta p'e hui, pero Richardson a strob'e. „Queda toch un rato hunto cu mi, amigo. Lo nos kuier bai hunto, pasobra mi ta supone cu lo bo n' bai prison bo sol toch.“

E malbado tabata consumi, pero e no por a haci nada contra Richardson, anto cu su mannan na boei.

I di e manera ai nan a sali pa camina grandi. I durante e camina, diferente bez e malbado tabata trata na hui, pero naturalmente enbano, pasobra ta ora cu Richardson quier cohe hopi hunto, e sa larga un preso hui boluntariamente.

Pero pa no perde mucho tempo cu solamente un criminal, Richardson a jama un poliz i nan dos a hiba e malbado warda di poliz principal.

Inspector McConnell a queda masha asombra ora cu el a ripara cu toch Richardson a logra arresta trobe e arrestant cu e mes a larga bai. Pero mas tanto ainda tabata su admiracion ora cu el a tende cu ya e detective tabatin e prueba necesario pa esaki su detencion i cu e tabatin testimonian pa por a cuminsa proceso

contra e individuo aqui i tambe su complice.

„Bo n' ta un hende mes cos cu tur otro. Sr. Richardson; bo ta un gran homber“, e inspector a bisa saguendo cordialmente Richardson su man.

„Tom Butler si no ta pensa asina, pasobra esaki a garantiza mi di ta pertenece na regionnan infernal i cu ta portanan di fierro mester a abri pa mi por a sali afor. Pero bo tampoco no mester quere cu e asunto aqui a bai asina facil manera cualquier hende ta supone. Tabata falta masha poco pa bo a bini entiero di Richardson. Mi ta sigura bo pa berdad cu m'a pasa algun ora di ansia formal, oranan cu lo mi no recorda gustosamente. Primeramente m'a risca un salto denter di un edificio di seis piso i si mester a socede cu i'a hera, lo m'a cai quibra tur loque por tabatin hinte den mi curpa. Luego e malbado a arresta mi pone na boei na pia cu man i luego e mes malbado tabatin e intencion di a traspasa e punjal skerpi aqui un paar di decimeter meimei di mi ricibinan. Pero gracias a Dios cu mi tabata na mi tino i mi no a larga e funcion aqui tuma luga“, Richardson a bisa harioendo.

I Richardson a bisa: „No tuma molestia na interroga e caballero carinioso al, pasobra toch bo n' por saca nada for dje. Larga cerr'e bon den un bo celnan. Mi ta quere cu por lo menos lo e no mira solo como 15 anja.“

Un terrible plegacion a escapa lipnan dje criminal ora cu el a tende esaki. El a larga nan bai cun'e sin cu el a oponer.

Loco di curiosidad e inspector a suplica Richardson di cont'e mas particularidad di e asunto aqui. Pero no tono di secreto e detective a bisa su amigo:

„Mi n' tin mag di bisa bo nada mas, Sr McConnell. Si bo tin tempu majan, bini corte di tribunal un rato pa bo bin asisti na sesion camina John Smith o ser acusa bao di sospecho di falsificador. Lo bo presencia un sorpresa manera nunca antes den bo vida bo a muda. Mi ta sigura bo cu durante bo carrera como poliz, nunca lo bo a presencia un tal sensacion.“

„Lo mi ta aya majan manera bolo, Sr Richardson“, e hefe di recherche a responde. „Pa un invitacion asina interesante di bo parti, mi mester bai aya.“

Richardson a tuma despedida i a bai trobe na Astor Bank na unda el a pidi pa e papia cu director di banco. Contento esaki a camina bin cont'e i a queda masha asombra di

**CAMA PA BABY
TEXAS FURNITURE STORE
Emmstraat 5 - Tel. 1082 - 1083**

bolbe mira e detective asina pronto. „Mi no a pensa di a mira bo asina pronto trobe, Señor Richardson“, e anciano banquero a bisa. „B'a larga e malbado hui en realidad manera tabata bo intencion?“

„Naturalmente, señor.“

„I b'a logra arresta e trobe?“

„Ta claro. Ora cu m'a tende tur cos cu mi mester a sa, m'a bolbe arresta e tipo ai i awor trobe e ta sinte tras di traila.“

„Esai ta casi increíble. Den tempo asina corto b'a logra cohe e falsificador di billetes?“

„Precisamente, mi a logra haci esai.“

„I quen e ta? Com ta su nombre? Ta berdad cu e ta pertenece na personanan den primera categoria, bao di cual circulo no sa tin criminal nan?“

„Si, señor banquero. I permití mi tene e nombre dje criminal aqui secreto pa bo ainda. I propiamente m'a bini aqui pa mi bia haci bo un suplica.“

„Mi ta completamente na bo orden, Señor Richardson!“

(E ta sigui)

PARTIDONAN DI BASKETBALL PA AWE NOCHI

(Di nos Sportreporter)

ORANJESTAD. — Ariba cancha di Aruba Jrs ta worde hunga dos partido mas di e campeonato di basketball 1957 awe nochi. E promer encuentro lo ta di e quintetonan femenino di Caribe y Antillana. Caribe su record den e competitie ta lo siguiente: cuatro wega hunga, un ganga y tres perdi, di Antillana ta cuatro hunga, dos gana y dos perdi. Despues di e encuentro femenino lo enfrenta otro den clase A di caballeros Aruba Jrs y Chinese Club. E dos equiponan aki ta ocupa e ultimo y tercer luga actualmente, Aruba Jrs tin cuatro derrota den mes tanto salida, mientras cu Chinese Club tin dos victoria y tres derrota den cinco salida. Den e promer vuelta di e campeonato Chinese Club a derrota Aruba Jrs cu score di 38-26. E rapido quinteto chino no a obtene un victoria ainda den e segunda vuelta. Awe nochi ta nan ultimo oportunidad ya cu esaki ta nan ultimo wega di e campeonato. Aruba Jrs falta ainda ademias di e partido di awe nochi 21 minuut di wega contra Caribe.

CAMPEONATO DI TENNIS TA CUMINZA DIASABRA CU SINGLES

(Di nos Sportreporter)

ORANJESTAD. — E campeonato di tennis organiza pa Lago Sport Park y cual campeonato e anja aki ta worde reconoci como oficial pa Aruba Law Tennis Bond, lo cuminsa diasabra atardi pa 3.30 cu partidonan di singles caballeros. Tanto di A-klasse como di B-klasse lo enfrenta otro. Di e clase B-klasse otro White y Hessels i laego E. Ponsen y R. Tappin. Di clase A e promer partido lo ta entre A. Tiam Fook y L. McCormick. E segundo lo ta entre J. R. Smith y Brinkenberg. E candidid di tennis cu a inscribi pa e diferente departamentonan ta lo siguiente. Den singles di damas 5, dobles di damas 4 parehas, dobles mixto 6 parehas, singles di caballeros clase B 22, dobles caballeros clase B 19, singles caballeros clase A 12, dobles caballeros clase A 8. Cu excepcion di e campeonato femenino, esta singles y dobles cuatinan ta worde hunga den forma di un vuelta, e campeonato ta worde hunga parti den forma eliminatorio y parti den forma di un round.

Cumpleanjos feliz

Hopi felicidad nos ta desea Irena Dirksen, cu ta haci 6 anja awe, na nomber di su mama Marie, su tata Lourens, rumannan Evelina, Ingrid, Wilfrido, wela Sara, tanta y omonan, especialmente su pepe Mamita su omo Barto, primo y primaman, Meves, Juan, Roberto Dirksen.

Awe ta di fiesta tambe e hobencita Margaret Croes, cu a completa 7 anja di existencia. Felicitacion ta bini di su tata Francisco, su mama Crispiana, rumannan Francisca, Maria, Nicolas, Vera, Betty, Kalito, Teresia, Editha, Ina, su wela Catharina Hernandez, su tantanan, omonan, primo y primanan su madrina Maria Croes, especialmente su juffrouw y amigaman di eerste klas di school di Piedra Plat.

Senjorita Francisca Maria de Kort, ta recordando awe su fecha natal, pa cua motibo tambe e ta ricibi hopi pabien di su comprometido Chrismeliano Schwengle y especialmente di su amigamaria Geerman y demas familia.

Tambe ta cumpli anja awe senjorita Francisca van der Linden. Felicitacion ta bai pelc di parti di su prima Helena de Cuba y familia de Cuba.

Masha pabien pa e siguiente personanan cu tambe ta celebra nan cumpleaños awe: Marlin Colina, 2 anja; Francisco Wester, 10 anja; Imelda Dubero, 6 anja; Pedro Pascual Diaz.

Su esposa Fortunata, junan Modesto, Matias, Maria, Bernadina, Prudencio, Ana, Irena, su mama Prudencia, tata Simon Kock, rumannan Fernando, Jose, Wanita, Leonida, Karne, Reineke, subrinanan, Chinda, Vera, Tida, cu ta na Caracas, hermanas Ras, Policarpo Thiel, familia Kock, Mendez, Thiel ta felicitear senjor Francisco Kock cu ta haci anja awe.

PRESIDENTE DI LAGO HEIGHTS CLUB TA EMIGRA

SAN NICOLAS. — Un persona masha conoci di San Nicolas, di mihor bis di Lago Heights lo bai. Esaki ta senjor H. A. Wever, presidente di e

DIRECTIVO DI A.O.B. A PARTI E FUNCTIONES NAN ORANJESTAD. — E directiva di Arubaans Onderwijs Bond a comparti e puestonan lo siguiente segun nos a lesa den „Contact“ organo di e bond aki:

Presidente: P. Valk, vice-presidente W. de Rooy, secretario W. Schaap, y tesoroero P. Bongers. E directiva tin idea di organiza algun excursion den vacante di Pascu Grandi segun nos a lesa den „Contact“.

LADRONNAN DI CABRILO TO A WORDE COHE

SANTA CRUZ. — Recherche L. Maduro mester a yama ayudo di polis Diabierne atardi ora cu el a atrapa cuater hortado di cabrito banda di Rooi Koechi. Tabata un trabao formal pe pa hiba e cuater hendenan G.R., J.T., S.H. y J.M.H., hunto cu e cuater cabritonan warda, pero cu ayudo di polis nan a logra esei.

COLECTA PA STICHTING STUDIESTEUN TA SIGUI

ORANJESTAD. — E organizadornan di e colecta pa Aruba Scholarship Foundation, cual ta spera di hanja den e pe-

admired!



Win admiring glances with a well-groomed, neat appearance. Use 'VASELINE' — the hair tonic that highlights your hair and makes it look naturally groomed.



Vaseline
is a registered trade mark owned by
Chesebrough-Pond's Inc.

Agente:
CONTAL AGENCIES LTD.
Tel. 1418

DIRECTIVO DI A.O.B. A PARTI E FUNCTIONES NAN ORANJESTAD.

ORANJESTAD. — E directiva di Arubaans Onderwijs Bond a comparti e puestonan lo siguiente segun nos a lesa den „Contact“ organo di e bond aki:

Presidente: P. Valk, vice-presidente W. de Rooy, secretario W. Schaap, y tesoroero P. Bongers. E directiva tin idea di organiza algun excursion den vacante di Pascu Grandi segun nos a lesa den „Contact“.

LADRONNAN DI CABRILO TO A WORDE COHE

SANTA CRUZ. — Recherche L. Maduro mester a yama ayudo di polis Diabierne atardi ora cu el a atrapa cuater hortado di cabrito banda di Rooi Koechi. Tabata un trabao formal pe pa hiba e cuater hendenan G.R., J.T., S.H. y J.M.H., hunto cu e cuater cabritonan warda, pero cu ayudo di polis nan a logra esei.

PRESIDENTE DI LAGO HEIGHTS CLUB TA EMIGRA

SAN NICOLAS. — Un persona masha conoci di San Nicolas, di mihor bis di Lago Heights lo bai. Esaki ta senjor H. A. Wever, presidente di e

PICNIC DI LEONES



Antayera tardi na e cunucu di Sr. Manichi Oduber na Palm Beach tabatin un plenle masha animo, cual su produccion ta destina pa e proximo Convencion di Lions. Mayoria di e Leonnan a bai e picnle aki, mientras cu un orgel cu wiri tabata zorg pa e muziek.

Lago Heights cu nan a organiza, cu lo suli diarazon mainta cu avion pa Merca, caminda e lo pasa un vacation y djei establece su mes na Miami (Florida). Senjor Wever ta un empleado di Lago y a traha 20 anja den e mencionado servicio. E ta casa y tin tres jiu. E ta spera di bolbe hanja su trabau bleuw, cu ta teknaar tecnico, na Miami.

„SANTA ROSA“ AWE Y „SANTA MONICA“ MANJAN

ORANJESTAD. — Awe mainta pa un cuarto pasa di nueve „Santa Rosa“ di Grace Line, cu ta representa pa E-man Trading Co. a llega Aruba, cu 108 pasahero a bordo, entre otro 66 cu ta haciendo e cruise. Tin masha hopi hende importante di negoshi a bordo y nan lo bolbe sali cu e bapor banda di cinco or y mei. Diarazon merdia lo drenta „Sta. Monica“ cu 42 pasahero a bordo pa banda di dos or di merdia y lo bolbe lanta anker pa anochi diez-dos or.

SALUDOS DOOR DI VOZ DI ARUBA

ORANJESTAD. — Siete or y cuarto, diarazon anochi, Voz di Aruba lo transmiti e Programa di Saludos di Hulanda semanal, en cooperacion cu e emisora di mencionado lugar. E blaha aki tur lo por tende e voznan di e internado „Mariebos“ na Nijmegen. Lo papia: Mary Carty di e hospital catolico na Zwolle, Norma Simmons y Elvia Martines di Baarn, Quirino y Irma Richardson y Mirto Roos. Un programa similar lo bolbe tuma luga diasabra merdia pa cuarto pa dos.

COLECTA PA STICHTING STUDIESTEUN TA SIGUI

ORANJESTAD. — E organizadornan di e colecta pa Aruba Scholarship Foundation, cual ta spera di hanja den e pe-

riodo di 28 Maart pa 15 April e suma di fl. 32.000.— pa nan por hiba a cabo e programa pa e anja aki. Lo prepara un anochi na Savaneta tambe. Diahuebs awor anochi pa 8 or nan lo pasa pelicula den Club La Fama na Savaneta. Ademas, manera nos a anuncia caba, Diabierne anochi tambe den Tivoli Club un canasta drive y Diasabra anochi ta sigui e gran show di moda y floor na Basi Ruti, na cual un cantidad di colaboradores lo tuma parti.

DIADOMINGO MAINTA CHOKE NA ORANJESTAD

ORANJESTAD. — Diadomingo mainta banda di 9 or y mei na cruce di Middenweg - Kruisweg tabatin un dalmento di auto A-1449 maneha pa A. E. V. y e autobus A-1095 maneha pa N.H. E motibo tabata segun polis pasobra e bus no kier a duna preferencia. Polis a calcula e danjo bao di cinco-cien florin.

CANDELA-DEN CUNUCU NA TANKI LEENDERT

ORANJESTAD. — Diadomingo anochi nan a raporta serka brandweer na Oranjestad un candela grandi den cunucu na Tanki Leendert. Mes ora e spuit di brandweer a sali pa e lugar y nan a tuma como un ora pa nan por a domina e candela banda di e percel 143. Afortunadamente no tabatin gran danjo.

NAN A DAL E CU PIEDRA DEN CABES

SANTA CRUZ. — Diasabra anochi pa banda di un or F.R.W. a bai warda di polis cu un corta di como dos centimeter largo meimei di su cabes. El a conta cu G.R. y J.B.R. a dale cu piedra. Ora polisnan a bai investiga e asunto nan a hanja berdad e dos hombernan y nan a reconoce cu ta nan a haci esei. Despues di a ricibi prome ayudo e homber por a bai cas atrobe.

ENTREGA DI PREMIONAN



Comite Central di Carnaval di 1957 antayera mainta den Lago Heights Club a entrega na e diferent reinanan di Carnaval, Miss y ganadornan di e paradanan nan premionan. Entrega di e bekernan, dooshi di poeiro, schemerlampnan y basta otro mas cos a sosode dpor di Reina di Carnaval di Aruba 1957 Rica I (Miss Heinekens). Despues nan a tuma un cocktail den e patio simpatico di e club. Riba e foto aki ta Rica Veger, runner-up Eugenia Tromp y Casper Lacle, e activo president di e comite.



Y aki nos ta mira un grupo di e simpatica Reinnan durante di e entrega di e premionan.

ALL KIND OF FEEDS



A.G. Th. ARENDS
Tel. 1625 - 1250

HOLSTEN

E famoso cerbez Aleman ta bo mejor companjera na toer momento

Obtenido na tur Club, Bar y Restaurant na Aruba

Agentes: E. F. DEBROT, Inc.

PEPITA

Por CHIC YOUNG



Por fin Lorenzo a haci algo pa nan no drenta mas den banjo ori cu e ta banjando, ya cu semper cu e ta sinta den badkuip un of otro persona desconoci ta bin sorprende. Prome cu e bai den banjo e ta camina bai padilanti pa e sera e porta, bisando: „Mi ta bai sera e portanan di padilanti y di patras, pa ningun hende bin molestiami...“. E ta dre e llavinan y pa ultimo e ta sera tambe esun di banjo. „Mi ta sera esaki tambe pa mi banja na paz...“, Lorenzo ta bisa. Pero parece cu ta esei ta e suerte di Lorenzo, pa tur hende mirele den banjo, pasobra ora el a kere cu e tabata sufe di dje cu tur e portanan sera, e bisinja di Pepita te presenta cu un trapie den nan cura, mientras e senjora ta bisa su casa: „Pepita ta duna nos permit pa nos pone nos antena na su dak, Henry.“ Henry ta coge e trapie y en seguida ta coloquelo pa subi, bisando: „Awor mes mi ta bai subi“. Ni un rato atras, Henry ta presenta inesperadamente pa pover Lorenzo, na e bentana di banjo y ta bisa alegre: „Hei, mira kende ta ey“. Esaki si ta colmo, Lorenzo a pensa.